



# Միքայել Նալբանդյան

## Աղցմիք

Ա

ՆԱԽԱՀՈՐ ԱՐԿԱԾՆԵՐԸ

«yes, love indeed is light from heaven;  
A spark of that immortal fire  
With angels shared, by Alla given  
To lift from earth our low desire...»  
Byron The Giaour.

Կենաց կանաչ ծառի տակ  
Հրեշտակներով շուրջապատված,  
Տխուր՝ Ադամն էր նստել  
Եվ տրտնջում էր հուզված .  
«Ինչո՞ւ ստեղծեց տերն ինձի,  
Է՞ր դրախտն այս փափկության,  
Եվ ինչո՞ւ ես կարգվեցի  
Արարածոց տեր, իշխան:  
Ինչի՞ս են պետք ինձ պսակք,  
Լուսապաճույճ, օդային,  
Է՞ր հրեշտակաց այս բանակ  
Եվ գործությունք երկնային . . .  
Այնինչ փոքրիկ մի մակույկ,

Որ կրծքիս տակ նավում է,  
Չունենալով անուշ սյուզ՝  
Առագաստել անգոր է»:  
Ասաց՝ աչքից ցողելով  
Մարգարիտները տրտում .  
Առաջին արցո՛ւնքն էր մարդո՛ւ՝  
Հոսում տխուր այս հովտում:  
Եվ սերովբեն սրբելով  
Արտասուքներ Ադամա՛  
Գուրգուրում էր՝ լուսաթև  
Ճախրելով շուրջը նրա .  
Եվ բարբառով դրախտային  
Խոսում նրա հետ տրտում,  
Դրան երկինքն է վկա,  
Որ սերովբեն չէ՛ր ստում:  
«Մխիթարվի՛ր, տե՛ր Ադամ,  
Որ չը տրվեց սրտիդ հեզ,  
Ինչ կոչում ես շարժիչ հով .  
Այն զլացավ տերը քեզ,  
Ջի թե սրտիդ մեջ փչեր  
Շունչն այն բոցեղ, կիզանուտ,  
Ապա իրո՛ք կը կորչեր  
Անդորրությունը հոգուդ:  
Եվ ո՞ր դու կը թափեիր  
Բորբ կայծերը նրա բարկ,  
Կարո՞ղ էիր դու միթե  
Ցուքն այն կրել կրծքիդ տակ .  
Եվ ո՞վ պետք է քեզ հոգար,  
Ո՞ր էական այն ընդունակ,  
Որ ժողովել կարենար  
Քո շանթն, ամպրոպ ու փայլակ»:  
«Ի՞նչ ես փչում, սերովբե,  
Եվ գուր՝ ստեր հնարում,

Մարդուն, իսպառ, դու, ի՞նչ է,  
Անզգա՞ ես համարում .  
Եվ տիեզերքը, միթե,  
Գործն աստուծո, այս ահա՛,  
Իմ աչքերի առաջ չէ՞ .  
Եվ ինքն իսկ չէ՞ Եհովան,  
Որ շրջում է, ժուռ գալիս  
Այս դրախտում պատվական  
Եվ ողջունում թշվառիս՝  
Միթե չէ՞ ինձ բավական:  
Չարմանում եմ անհանճար  
Քո խոսքերին, սերովբե՛,  
Ըստ քեզ, դեպի վսեմը  
Միրտն անզգա՞ է միթե:  
Կարո՞ղ եմ ես աստրծուն  
Միրել սիրով վերամբարձ,  
Արարածները համբուն  
Նրա ձեռքով ստեղծված՝  
Արև, լուսին և աստղեր,  
Մեղմ երեկո, առավոտ,  
Խաղաղ ու գով գիշերներ  
Եվ ցերեկը լուսահորդ,  
Ծառ, տո՛ւնկ դալար և աճող,  
Ծաղիկ քնքուշ, գեղանի,  
Վարդեր թփի վրա ճոխ,  
Եվ շուշանը գարնայնի .  
Ո՛չ կենդանյաց խայտուն խումբք  
Ո՛չ սոխակի երգն անուշ,  
Որով ամենքն են հրճվում  
Բնությունք բիրտ և քնքուշ:  
Նախ տո՛ւր ինձ սեր, իմ սրտի  
Անայությունը լցրու,  
Ապա տես թե կը գայթի՞

Վես բնությունը մարդու .  
Երբե՛ք ստոր կրքերի  
Համար սիրտը չէ՛ թիրախ .  
Իսկ դու ինչո՞ւ ես ժպտում,  
Ուխտ չեմ անում ես խարդախ»:  
«Քավ լիցի, տե՛ր իմ Ադամ»,  
Կրկնում էր հեզ սերովբեն .  
«Թող չըշնչե՛ս հավիտյան  
Դու այն օդը բոցեղեն .  
Չը տառապե՛ս թող՝ կամա  
Անձրդ հրին մատնելով,  
Որին մարդը, հավատա՛,  
Տոկալ բնա՛վ չի կարող»:  
Ադամը խիստ հեզնում է  
Սերովբեին և ասում,  
Եվ մի վայրկյան լոկ՝ դժնե՛  
Դենքին ժպիտն է փայլում .  
«Դո՛ւ, որ մարդ չես հողանյութ,  
Ինչպե՞ս բընույթը մարդու  
Գիտես այդպես, օ՛, հնուտ,  
Այդ որտեղի՞ց ուսար դու:  
Չարմացնում են ինձ սաստիկ  
Քո խոսքերը, հիրավի,  
Եվ քանզի չեմ սերովբե՛  
Չիմանալըս թող ներվի՛»:  
Համբերում էր սերովբեն  
Կամակորին այդ արու,  
Չի պատվերն էր արարչի՛  
Լինել նրան պատկառու .  
Ուստի և նա անվրդով  
Խստությունից Ադամա՛  
Գուրգուրում էր՝ ճախրելով  
Անդադար շուրջը նրա:

Եվ մինչ Ադամն զբաղված  
Միրո մասին չէր խոսում,  
Սերովբեն, հո՛ւշ, նրա վրա  
Թափեց խաղաղ ու խոր քուն:  
Չեփյուռի գո՛վ շոյանքի  
Տակ թնրում է ու ննջում,  
Նրա շուրջը սոխակի  
Թովիչ դայլա՛յլն է հնչում,  
Եվ սերովբեն թևապար  
Դեպ աստղերն է սլանում,  
Անցնելով հուր այն կամար՝  
Արագ վեր է բարձրանում .  
Մինչ գահույքը աստղահուռ,  
Քերովբեքով շուրջպատված,  
Կանգնում գահի հանդեպ, ուր  
Փառաբանվո՛ւմ էր աստված:  
Անդ վեցթևյան երկուսով  
Դենքն է սքողում սարսափած,  
Ոտքերն՝ ցածի թևերով,  
Միջիններով մնացած  
Ծխում արցունք մարդկային,  
Իբր անուշ խունկ, առ աստված,  
Ալելուներն են հնչում  
Երկնային ողջ զորությանց:  
Հոտոտո՛ւմ է լիառունգ  
Տերը անհա՛գ, հեշտորե՛ն՝  
Արցունքներն այն– իբր խունկ՝  
Որ սփռում էր սերովբեն:  
Եվ կարկառվում է ստեղծիչ  
Աջն էությանց վա՛ր դեպի,  
Բարեխոսներն շուրթերից  
Այս են լսում– «թող տրվի՛»:  
Սո՛ւրբ, սո՛ւրբ, սուրբ ես, Տեր որ Էն,

Լի՛ երկինք քո փառքով,  
Օրհներգում է սերովբեն  
Եվ վերցրնում ունելով  
Կայծը կիզիչ բոց-կրակ  
Այն ծխացող սեղանից,  
Եվ դեպ երկիրը՝ արագ  
Ճանապարհվում է նորից .  
Ադամն ոչինչ չգիտե,  
Նա դեռ քնած է հանդարտ,  
Զի այդ ամենն հագիվ թե  
Տևում է մի ակնթարթ:  
Կենաց ծառը մեղմօրոր  
Հով էր անում հեշտորեն  
Խաղաղ քնած նախահոր,  
Երբ որ հասավ սերովբեն .  
Նա մոտ գալով Ադամին՝  
Նստում ձախ կողմը նրա  
Եվ կիզիչ կայծը ջերմին  
Դնում կրծքին . . . Եվ ահա՛,  
Ծխում է մորթը իսկույն  
Եվ այրվում սիրտն անփորձ,  
Բարձրանո՛ւմ է գույնզգույն՝  
Երկինքն ի վեր ծուխն ու բոց:  
Շուրջ՝ կենդանիքն այն ամեն  
Կրակի տեսքից խրտնելով,  
Մասն են առնում ասում են  
Սիրո հրից հոգեթով .  
Եվ ամուլները գույգ-գույգ  
Կրքով վառված, խայտ ի խայտ  
Փախչում վայրեր դեպ ծածուկ,  
Թե ինչո՞ւ . . . չի՛ ասվում այդ:  
Այն, ինչ պիտի կատարվեր՝  
Գիտակ եղավ սերովբեն .

«Արդ շտապիր նավարկել,  
Ո՛վ տեր Ադամ, հմտորեն,  
Ջի սրտերին առագաստ  
Լցրեց սիրո բոց-մրրիկ,  
Կը դիմանա՞ բոցին սաստ  
Արդյոք մակույկըդ փոքրիկ»:  
Արդ, այսպես էր սերովբեն  
Կշռադատում և խոսում,  
Մինչ Ադամը քնի մեջ՝  
Ո՛չ զգում էր, ո՛չ լսում:

..... the elements  
So mix'd in him that Nature might stand up  
And say to all the world «This was a man».  
Shakespeare,  
Julius Caesar, Act V. Sc. 5

Չը ձգձգենք որպեսզի  
Պատմությունն այս չափածո՝  
Ինչո՞ւ խոսել ավելորդ  
Ուստի պատմենք կարճառոտ:  
Մարդը հենց որ սեր զգաց,  
Գոչեց . «Մեռնո՞ւմ եմ, աստվա՛ծ,  
Չունե՛մ ընկեր կաթոգին» .  
Տերը տվավ նրան կին .  
Իսկ թե ինչո՞ւ կամ ինչպե՞ս,  
Չի՞ սովրեցրել Գիրքը քեզ,  
Թե չես լսել մինչ հիմա,  
Ապա վեր առ և կարդա:  
Իսկ այն մասին, թե նրան  
Սիրե Ադամն պիտ մաքուր

Եվ մեղկ կրքին՝ սիրտը նա  
Չը դարձնե կերակուր .  
«Ինչո՞ւ տալիս էր պատվեր,  
Ադամն ասում է հուզյալ,  
Միթե միշտ չե՞մ խոստացել  
Միրել սիրով կատարյալ՝  
Աստծուն և այն ամեն բան,  
Որոնց ինքն է հեղինակ  
Եվ սկիզբը գոյության .  
Ուխտիս ես չեմ հակառակ»:  
Եվ սերովբեն, որ գիտեր  
Մարդու սրտի շինվածքը,  
Եվ ամեն ինչ տեսնում էր  
Նրա անվրեպ սուր աչքը՝  
Դողդողում էր երդումից  
Եվ ակնարկում Ադամին՝  
Խնդրել ներումն նորից՝  
Երդման համար դժվարին:  
«Գնա՛, կորի՛ր, սերովբե,  
Խոսքերդ անցնում են չափից,  
Եվ ինչո՞ւ չես հեռանում,  
Անզգա՞ ես կարծում ինձ .  
Ես խառնվո՞ւմ եմ ձեր գործին,  
Լսե՞լ եք մի խոսք ինձնից:  
Թե՞ ասելիք չունեի  
Ձեր անկայուն բարքերից»:  
Եվ նա սաստում է այսպես  
Խոժոռադեմ՝ հրեշտակին,  
Որ խրատված խստապես՝  
Դառնում է իր կրքնկին .  
Արտասվելով վշտագին  
Թռչում իսկույն, հեռանում,  
Իսկ հարսնաբերն Եվային



Ադամի մոտն է բերում:  
Նախահայրը սիրավետ  
Պինդ գրկում է իր էգին,  
Սիրախառնվում նրա հետ  
Ու վեր ճախրում միասին:  
Հեշտանքներից սրբարքած  
Ասում է նա տարփագին .  
«Օ՛, չե՛նք երբեք ուխտագանգ,  
Ինչո՞ւ է ինձ տրվել կին:  
Խոստացել են շլինել  
Ես ուխտադրուժ այդ շա՛տ լավ,  
Բայց թե սիրուց հրաժարվե՞լ,  
Չը ճաշակե՞լ այն բնավ:  
Ուրեմն ինչո՞ւ տվեց ինձ  
Մեր, կին, ինչո՞ւ տերն օրհնեց,  
Ակնարկում է խոսքն այն ի՞նչ՝  
Թե՛ աճեցեք . . . » և լռեց:  
Եվ կռվում են խիստ անհաշտ  
Խենթ հրամանն ու բնությունն,  
Ո՞ւմ կննա մարտադաշտ,  
Ո՞վ կը տանի հաղթություն,  
Կար ժամանակ՝ այս հարցն էր,  
Նույնիսկ կնճռոտ հույժ, ավա՛ղ,  
Բայց գիտությունն լուսաբեր  
Կնճիռը այդ լուծեց վա՛ղ:  
Նրանց, որ չեն հավատում  
Այս խոսքերիս անպաճույճ՝  
Հայտնում ենք, որ չենք խաբում,  
Սհավասիկ ապացույց:  
Ադամն ուխտել էր անխաբ  
Չը սխալվել մեղկորեն,  
Ուստի հախտոն ընդվզմամբ՝  
Մեջքի վրա տեղն ու տեղ

Կույսին զարկում է գետին  
Հուժկու ուժով նժույգի  
Եվ ձգտում է հարվածել  
Իր եղջյուրով շեշտակի .  
Ապա, ոտքի՛ քաջաբար  
Կաշում է լավ ճնված  
Դրախտաբնակին գետնահար  
Եվ քայլո՛ւմ է վեհրնթաց:  
Մեղկությո՞ւն է որևէ  
Կամ թե ստոր կի՞րք է այն,  
Երբ ձգտում է վայելել  
Սանձակոժ սերն իր ընծան:  
Կարո՞ղ է ոք բնության  
Ճգնել կգակը սանձով,  
Եվ կամ նրա գործության  
Դեմ դնել իր թույլ կրծքով .  
Բնությունն ինչո՞վ է շարժվում,  
Ո՞վ է նրա հեղինակ,  
Հիմարություն չէ՞ ստույգ  
Կենալ նրան հակառակ:  
Որք պաշտամունք բնության  
Բռնադատել են ջանում,  
Նրանց հրեշտակն բարձրաձայն՝  
Խելագար է անվանում:  
Իսկ մենք ջանանք, օ՛, փութով  
Ավարտել վեպն այս մեկին,  
Պատմենք ամենը հերթով,  
Ինչ պատահեց մեր գույգին:  
Երբ որ երկրում հարսնքույր  
Եվ խորանի վարագույր  
Պատառվում են անկարկատ՝  
Նաև թել-թել, աննկատ՝  
Կտրտվում են արնատար

Անոթները սագանման՝  
Արդյոք հեղված առաջին  
Արյունը չէ՞ սրբազան:  
Կույս գույգերը թևիթև  
Գլորվում են տագնապով,  
Դատավճիռը պարզ է՝  
«Անմեղություն, գնաս բարո՛վ»:  
Իսկ հարսն ի՞նչպես, քույրն ի՞նչպես:  
«Ցնցվո՛ւմ էին մկանունք,  
Եվ խլրտում, գալարվում,  
Շողում նրա վառ աչկունք .  
Կույս գրկունը իր ջերմին  
Մերթ պրկում էր ու թողնում,  
Մերթ շոշափում Ադամին,  
Մերթ հևում էր, մերթ ուռչո՛ւմ .  
Թռչում էին հեշտանքի  
Հառաչանքները . . . ինչպես գետ՝  
Կրծքից քրտինքն էր հոսում . . . »  
Ադամն էլ չէր մնում ետ,  
Մերթ մի համբույր էր դրոշմում  
Կույսի շուշան շուրթերին,  
Հուզմունքից շունչն սպառվում,  
Եվ մերթ կրծքով իր ուժգին  
Ճնշում փափուկ, ձյունափայլ  
Նոների պես կաթնագեղ  
Ստինքների լուսափայլ  
Պտուկները վարդագեղ:  
Երանությո՛ւն խելահեղ . . .  
Զի այդ շարժման ժամանակ  
Հեշտին՝ անոթն ընտրության  
Եռ էր գալիս շնչի տակ  
Վարդի մեծն բալասան . . .  
Ամե՛ն . եղավ հոտանո՛ւշ

Ընծայաբերունն բնության  
Եվ դրախտից հեշտալի  
Արտաքսվեցավ զույզն այն  
Փշոց աշխարհն, ուր Եվան  
Ծնուն է ցավո՛վ մինչ այսօր,  
Թեն եկել է Մեսիան:  
Իսկ Ադամը, «Դեռ քրտնո՛ւմ է»: